

նում է Սափացիա լ-րից . նախ ուղղում է դէպի արեւմուտք, ապա հարաւ-արեւմուտք, վերջը հիւսիս արեւմուտք մինչեւ Ճորոխի խառնունքը: Դեպիսի վտակն ընդունում է Բագինա<sup>1</sup>, Աղխուլ, Դիվցխել, Ոտինգո, Կվինքաուր, Դեվսկել<sup>2</sup>, Պետրուլա, Ոխուրջինա, Յեմատի, Վալոշան, Շփախիվ, Սամոխրեգս, Արավետ առուակները, որոնք ոռոգում են համանուն գեղերը եւ նրանց պարազաները: Դեւիս վտակը աջից ընդունում է Ադագուլի, էրրիկա, Վանականի, Նագիարի առուակները, որոնք ոռոգում են համանուն գեղերը:

#### ԺԳ.

Իշկալա եւ Բէհլեվան վտակները:

Մուրղուլից ցած, դէպի հիւսիս Բորչըխա, Բերդ գիւղերի եւ Յիտուրետի աւե-

<sup>1</sup> Բագինա առուակի եւ գեղի անունները յիշեցնում են Սպելի եւ Թորդու մի Բագիլիներին նու իրած աւանների, ամրոցների եւ տաճարների անունները: Կասկած չկայ, որ Բագինան-Բագաուրի, Բագդասի, Բագաւանի, Բագրանի մի այլ դարձուածն է եւ ցոյց է տալիս, որ նա էլ անմիջական կրօնական կապ է ունեցել Ճորոխի Աւագանի միւս գաւառների հետ: Այս գաւառի ոչ միայն ագարակներն ու եայլաները նման են Ճորոխի Աւագանին միւս գաւառներին, այլ եւ աւերակներն էլ յիշեցնում են ընդհանրական կապ:

<sup>2</sup> Դեւսկել եւ Դիվցխել — տես նախընթաց ծանօթութիւնը: Ինչպէս Դեւիս, նոյնպէս Մաճիխել եւ Ըջարա անձամբ չեմ մտած եւ տեղեկութիւններս բոլորն էլ հիմնուած են Ռուսական Պաշտօնեաների ուսումնասիրութիւնների հիմունքով: